

◎附表四十九——「藥王菩薩本事品」

(一) 解釋品目：

《觀藥王藥上菩薩經》云：「昔名星光，從尊者日藏聞說佛慧。以雪山上藥供養眾僧。願我未來，能治眾生身心兩病。舉世歡喜，號曰藥王。」

《大佛頂經》云：「我無始劫，為世良醫，口嘗娑婆世界所有藥味。承事如來，分別味因，從是開悟。如來印我昆季藥王、藥上二菩薩名。」

此品明一切眾生喜見菩薩，「頓捨一身」，「復燒兩臂」輕生重法，命殞道存。又則舉昔顯今，故名「本事品」。

(二) 經文要義：

本經正宗，乃本師將諸佛所修證之「一乘因果」，和盤托出，以開示眾生。如經云：「正直捨方便，但說無上道。」然而佛又恐末世眾生，志力下劣，難以成就。故特於流通分中，舉六位菩薩之修學，以發明「悲、智、行、願」，四門之修學以為勸勉。

首先舉藥王菩薩之「難行苦行」，以為無量行門之首要。次召妙音菩薩，從東方來會，以表具「始覺智」，方能開顯「本覺理」，彼此契合成佛。再以觀音菩薩，慈悲利生「普門示現」，作為悲門代表。更以淨藏菩薩，淨眼菩薩，「轉化邪心」及普賢之「廣大行願」，以為願門之代表。

普令一切末世眾生，依此「四門」修學菩薩道，則必得成佛。